

**BOSNA I HERCEGOVINA**  
*Komisija za koncesije*  
*Bosne i Hercegovine*



**БОСНА И ХЕРЦЕГОВИНА**  
*Комисија за концесије*  
*Босне и Херцеговине*

Prijedlog

**IZVJEŠTAJ O RADU**  
**KOMISIJE ZA KONCESIJE BOSNE I HERCEGOVINE**  
**ZA 2022. GODINU**

Banja Luka, mart 2023 godine

**Broj: 01-50-1-7-23/23**

**Datum: 14.03.2023. godine**

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16, 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) Komisija za koncesije Bosne i Hercegovine podnosi:

## **IZVJEŠTAJ O RADU ZA 2022. GODINU**

### **I Uvod**

Program rada Komisije za koncesije Bosne i Hercegovine za 2022. godinu, Komisija je usvojila sredinom 2021. godine i provela sve aktivnosti vezane za obavezne konsultacije sa zainteresiranom javnošću, te Program dostavila Savjetu ministara Bosne i Hercegovine. Na Program rada Komisije nije stigla niti jedna sugestija, prijedlog niti komentar. S obzirom da Savjet ministara Bosne i Hercegovine nikada nije uvrstio u dnevni red, niti raspravljao o dostavljenom Programu, Komisija za koncesije je urgirala i tražila izjašnjenje od Savjeta ministara oko istog. Bez obzira na navedeno, Komisija je provela aktivnosti iz Programa rada.

Komisija za koncesije Bosne i Hercegovine (u daljnjem tekstu: Komisija) je nezavisno regulatorno tijelo osnovana Zakonom o koncesijama Bosne i Hercegovine („Službeni glasnik BiH“ br. 32/02 i 56/04), u daljnjem tekstu Zakon. Nadležnost za dodjelu koncesija na nivou države Bosne i Hercegovine pripada Vijeću ministara Bosne i Hercegovine (u daljnjem tekstu: Vijeće ministara BiH) koje na prijedlog resornog ministarstva pokreće postupak dodjele koncesije i donosi Odluku o vrsti, predmetu i obimu koncesije koja se dodjeljuje, a potvrđuje je Parlamentarna skupština Bosne i Hercegovine“ - Član 4. Zakona.

Postupak dodjele koncesije provodi Koncedent, kojeg odredi Vijeće ministara BiH, a to može biti ministarstvo ili drugi organ Bosne i Hercegovine (član 3. Zakona). Ugovor o koncesiji potpisuje resorni ministar (član 26. Zakona), a nadzor realizacije ugovora o dodjeljenoj koncesiji vrši Komisija.

Postupak dodjele koncesija može se odvijati putem „samoinicijativne ponude“ zainteresovanih ponuđača ili putem „javnog poziva/tendera“, kada Koncedent raspisuje javni poziv/tender i prikuplja ponude za projekat za koji namjerava zaključiti koncesioni ugovor. Kod samoinicijativne ponude Komisija je nadležna i za davanje ovlaštenja za direktne pregovore između ponuđača koncesionog projekta i resornog ministarstva na nivou Bosne i Hercegovine, nakon što ministarstvo potvrdi da za tu koncesiju postoji „javni interes“.

Komisija djeluje:

- u svojstvu *Komisije za dodjelu koncesija Bosne i Hercegovine* kada obavlja funkcije i vrši ovlaštenja u vezi s dodjelom koncesija koje su u isključivoj nadležnosti Bosne i Hercegovine. To su slučajevi kada su koncesioni projekti u sektorima koji su po Ustavu i zakonima Bosne i

Hercegovine u nadležnosti Bosne i Hercegovine, ili u slučaju predstavljanja međunarodnog subjektiviteta Bosne i Hercegovine, kao npr. kada koncesioni projekti na pograničnim rijekama,

- u svojstvu *Zajedničke komisije za koncesije* Bosne i Hercegovine i/ili Federacije Bosne i Hercegovine i/ili Republike Srpske i/ili Brčko Distrikta Bosne i Hercegovine za dodjelu koncesija, nadležni organi usaglašavaju uvjete i oblik dodjele koncesije, kada se koncesiono dobro prostire i na Federaciju Bosne i Hercegovine i na Republiku Srpsku. U funkciji Zajedničke komisije rješavaju se i sporna pitanja koja nastaju u vezi sa dodjelom koncesija u Bosni i Hercegovini između entiteta i/ili entiteta i državnog nivoa vlasti.

Kod pomenutog nadzora nad provođenjem ugovora o koncesiji, zakonom je predviđeno da Komisija prati rad koncesionara za cijelo vrijeme trajanja koncesionog ugovora, odobrava rokove i uslove standardnog ugovora o pružanju usluga potrošačima, te razmatra žalbe potrošača.

Komisija je imala obavezu donošenja „*Dokumenta o politici dodjele koncesija u Bosni i Hercegovini*“, i praćenje izvršenja istog, koji donešen 2006 godine i usvojen od strane Vijeća ministara BiH kao i od strane Parlamentarne skupštine Bosne i Hercegovine.

U skladu sa Zakonom (član 17.) Komisija ima mogućnost da, na svoju ili inicijativu zainteresovane strane, „*formuliše opšte principe koji regulišu određenu privrednu oblast*“.

## **II Sažetak ostvarenih planiranih godišnjih aktivnosti**

Unutar strateškog cilja rada institucija Bosne i Hercegovine, koji se odnosi na postizanje makroekonomske stabilnosti za obezbjeđenje integriranog rasta kao opšteg cilja razvoja Bosne i Hercegovine, te srednjoročnog cilja koji se odnosi na „*stabilan i transparentan sistem financiranja Bosne i Hercegovine, upravljanje i kontrola javnim financijama i ispunjenje međunarodnih finansijskih obaveza*“, Komisija (u skladu sa smjernicama i odobrenjem od strane Ministarstva finansija i trezora Bosne i Hercegovine) ima novu programsku strukturu, te sve aktivnosti planira, provodi i izvještava unutar jednog programa :

### ***Program 1: „Provođenje regulatorne i nadzorne funkcije Komisije“.***

Ovaj izvještaj će prikazati rezultate prema projektnim aktivnostima kako su postavljene prema programskoj strukturi unutar ovog programa, odnosno prema Programu rada za 2022. godinu:

#### ***1.1. Davanje regulatornih saglasnosti u postupku dodjele koncesija.***

#### ***1.2. Provođenje aktivnosti za procesuiranje samoinicijativnih ponuda i spornih predmeta kod dodjele koncesija.***

#### ***1.3. Unapređenje politika iz oblasti koncesija i promocija dobre prakse.***

### **Projekat 1.1. Davanje regulatornih saglasnosti u postupku dodjele koncesija.**

#### **Aktivnost 1.1.1. Davanje svih regulatornih saglasnosti u postupku dodjele koncesija predviđenih zakonom**

Komisija kao nezavisni regulator daje regulatorne saglasnosti u postupku dodjele koncesija u različitim fazama postupka, u zavisnosti da li se radi o postupku izbora koncesionara putem javnog poziva/tendera ili putem samoinicijativne ponude. Komisija za koncesije Bosne i Hercegovine odnosno Zajednička komisija za koncesije Bosne i Hercegovine, u zavisnosti od statusa koncesionog dobra za čije iskorištavanje ili izgradnju infrastrukture se dodjeljuje koncesija, daje saglasnosti na: 1. studije ekonomske opravdanosti 2. tenderske uslove i 3. nacrt ugovora o koncesiji za:

- a) Projekte po osnovu isključive nadležnosti Bosne i Hercegovine nad koncesionim dobrom ili u slučaju predavljanja međunarodnog subjektiviteta Bosne i Hercegovine,
- b) Projekte gdje se koncesiono dobro prostire u oba entiteta Bosne i Hercegovine ili Brčko Distrikta Bosne i Hercegovine.

U 2022 godini i pored određenih aktivnosti, nadležna ministarstva nisu uspjela usaglasiti niti pokrenuti dodjelu koncesija, a Komisija nema informacija od resornih ministarstava da li je bila pokrenuta dodjela koncesije putem samoinicijativnih ponuda. Zbog nedostatka Članova komisije i državnih službenika, kao i pandemije COVID – 19 je doprinijelo je smanjenju aktivnosti i saradnje ” face to face” sa svim institucijama, što je imalo i za posljedicu nedavanja regulatorne saglasnosti u postupcima dodjele koncesija za navedenu vrstu projekata.

U sektoru transporta, nije bila nastavljena očekivana aktivnost pokrenuta još 2017. od strane Ministarstva transporta i komunikacija Bosne i Hercegovine, za dodjelu koncesije za izgradnju dionice Tarčin-Ovčari (ili Rudanka-Medakovo). Takođe, ostale neizgrađene dionice na Autoputu na Koridoru VC nisu bile predmetom odlučivanja da se za njihovu izgradnju dodjeli koncesija, iako je studija ekonomske opravdanosti dobila saglasnost Komisije još 2007. godine. Krajem 2021. godine počele su pripremne aktivnosti koje će voditi planiranju za dodjelu koncesija za izgradnju transportne infrastrukture na trasi transportnih međunarodnih koridora između Bosne i Hercegovine i neke od susjednih država kao što je autoput Beograd-Sarajevo-Beograd i sl.

U sektoru energetike nisu postignuti sporazumi oko korištenja već izdrađenih hidropotencijala na rijeci Drini na području Zvornika i Bajine Bašte kao ni za korištenje hidropotencijala Buškog jezera. Pokrenut je i parnični postupak od strane Elektroprivrede Bosne i Hercegovine za dodjelu koncesije na rijeci Drini, gdje je Komisija za koncesije Bosne i Hercegovine Ministarstvu vanjske trgovine i ekonomskih odnosa dala mišljenje/ stav po ovom pitanju. U 2020. godini pokrenut je i postupak kod Ustavnog suda Bosne i Hercegovine za utvrđivanje nadležnosti za dodjelu koncesija na rijeci Drini, koji je okončan 2021 godine te je Odlukom Ustavnog suda naloženo Komisiji za koncesije da u svojstvu Zajedničke komisije rješi sporna pitanje između Bosne i Hercegovine i Republike Srpske u vezi dodjeljenih koncesija za izgradnju hidroelektrana na rijeci Drini.

### **Projekat 1.2. Provođenje aktivnosti za procesuiranje samoinicijativnih ponuda i spornih predmeta kod dodjele koncesija.**

#### **Aktivnost 1.2.1. Razvijanje i unapređenje procedura koje se odnose na efikasnije procesuiranje samoinicijativnih ponuda**

Ova planirana aktivnost se odnosi na unapređenje procedura u državnim ministarstvima kada dobiju samoinicijativnu ponudu za koncesiju od ponuđača u smislu njihovog postupanja po samoinicijativnoj ponudi, kako je određeno u Zakonu. Cilj aktivnosti je da se radi na *popunjavanju pravnih praznina i razvijanju metodološkog pristupa u vezi sa:*

- utvrđivanjem ”javnog interesa” za davanje koncesije po osnovu samoinicijativne ponude
- utvrđivanjem načela i modaliteta za definisanje *koncesione naknade* kod samoinicijativne ponude i kada se koncesija dodjeljuje po osnovu javnog poziva

Iako je planiran rad sa tri ministarstva, aktivnost se provodila sa Ministarstvom vanjske trgovine i ekonomskih odnosa i Ministarstvom transporta i komunikacija. Ovakva aktivnost je bila planirana da se provodi i sa Ministarstvom finansija, naslanjajući se na veći broj ranije podnešenih samoinicijativnih ponuda za koncesije za objekte Bosne i Hercegovine koji se nalaze u R.Hrvatskoj ("Vila Aurora", "Bosanka" i sl.). Budući da je ovo pitanje imovine neriješeno, aktivnost sa ovim Ministarstvom se za sada ne provodi.

Trenutno ne postoje procedure niti smjernice koje bi pomogle da se ministarstva kada zaprimе samoinicijativnu ponudu očituju da li za ponuđeni koncesioni projekat postoji "javni interes" ili ne, što je prvi korak u realizaciji koncesije putem samoinicijativne ponude.

Ministarstvo vanjske trgovine i ekonomskih odnosa pokazalo je interes za zajednički rad na formulisanju procedura u vezi javnog interesa, kao i koncesione naknade. Formirana je radna grupa sa članovima iz Ministarstva i Komisije za izradu koncepta procedura za njihovo definisanje, koje bi u narednom koraku mogle poslužiti kao osnova za izradu formalnih procedura koje bi Ministarstvo koristilo kada se dobije samoinicijativna ponuda za koncesiju. Ujedno su se Ministarstvo vanjske trgovine i ekonomskih odnosa i Komisija za koncesije Bosne i Hercegovine složili da je potrebno šire sagledati problem definisanja "javnog interesa" zbog kompleksnosti samog pitanja kao i trenutno nepostojećih zakonskih rješenja u Bosni i Hercegovini koja bi upućivala na postupak, nadležna tijela, rokove, kao i na pravne posljedice proistekle iz definisanja "javnog (ili opšteg) interesa".

Stoga je prevladalo opredjeljenje da se ova aktivnost nastavi paralelno sa aktivnostima projekta Ministarstva i USAID koji je ishodio izvještajem "Analiza pravnog okvira i preporuke za otklanjanje prepreka za investiranje u sektor energije u Bosni i Hercegovini" sa obrađenom problematikom pitanja „javnog interesa“ kao i problematikom koncesija u Bosni i Hercegovini. Kroz detaljnu analizu pravnog okvira, te svih prepreka za izdavanje dozvola u procesima odobravanja za sve nivoe odlučivanja za investiranje u energetske sektor u Bosni i Hercegovini, izvještaj je posebno naglasio sadašnji problem kod davanja statusa „javnog interesa“ projektima u energetske sektoru, što usporava sve procese (dobijanje dozvola) koji prethode realizaciji ovakvih projekata bez obzira da li se investira putem koncesija ili angažovanjem kapitalnih sredstava na druge načine.

Krajnji rezultati ove aktivnosti bi bile:

1. Usvojene procedure na osnovu kojih bi državna ministarstva mogla verifikovati postojanje javnog interesa za koncesioni projekat iz samoinicijativne ponude u oblasti energetike i transporta.
2. Usvojena metodologija (smjernice, uputstvo) na osnovu koje bi državna ministarstva mogla definisati nivo koncesione naknade bez obzira da li se radi o postupku javnog poziva ili samoinicijativne ponude.
3. Pravila o međusobnom obavještavanju samoinicijativnih ponuda.

#### Aktivnost 1.2.2. Rješavanja u slučaju spornih predmeta

Komisija je u 2021. godini zaprimila Odluku Ustavnog suda da formira Zajedničku komisiju kako bi rješila sporna pitanja između Bosne i Hercegovine i Republike Srpske u vezi dodjeljenih koncesija za izgradnju hidroelektrana na rijeci Drini. Nakon imenovanja Zajedničke Komisije održana je I. **Sjednica na kojoj su učestvovali svih 7 članova Zajedničke Komisije**. Nakon održane I sjednice Mensur Šehagić je uložio prigovor i podnio tužbu pred Sudom BiH, smatrajući da je ista nezakonito formirana. Zbog rješavanja prethodnog pitanja pred sudom BiH, Ustavni sud Bosne

i Hercegovine je produžio rok Zajedničkoj komisiji za donošenje odluke po ovom pitanju. Po dobijanju presude Suda BiH, predmet je vraćen Komisiji na ponovno odlučivanje, gdje se opet imenuje Zajednička Komisija za rješavanje po ovom pitanju, a Mensur Šehagić zbog neslaganja sa imenovanjem u Zajedničku komisiju ponovo pokreće spor pred Sudom BiH. O navedenom je i upoznat Ustavni sud Bosne i Hercegovine, koji je produžio rok za rješavanje svoje odluke za još šest mjeseci, te je Komisija o ovome odlučivala i u 2022. godini. Tokom 2022. godine, članovi Zajedničke komisije, u cilju poštovanja roka iz Odluke Ustavnog suda BiH, su zajednički odlučili da se nastavi sa radom u vidu radnih sastanaka, do stvaranja uslova za obezbjeđenje kvoruma za donošenje konačne Odluke.

Zaključno sa 22.06.2022. godine članovi Zajedničke Komisije, zbog nedostatka kvoruma, umjesto sjednica, su održali šest radnih sastanaka.

Na održanim radnim sastancima izvršena je analiza cjelokupne dokumentacije vezane za ovaj predmet te definisane ključne tačke koje prema zakonu o Koncesijama BiH i Zakonu o koncesijama RS mogu biti sporne po pitanjima dodjele koncesija na predmetnim HE.

Članovi Zajedničke komisije su razmatrali potencijalna sporna pitanja u vezi dodjele koncesija, prema Zakonu o koncesijama BiH i Zakonu o koncesijama RS i o tome dostavili izvještaj Ustavnom sudu BiH u formi zaključaka.

Obzirom da Zajednička komisija, zbog nedostatka kvoruma i bojkota Mensura Šehagića, nije donijela konačnu odluku po Odluci Ustavnog suda u ovom predmetu, to je Ustavni sud cijeli predmet proslijedio Tužilaštvu BiH. Do danas Komisija za koncesije nema povratnih informacija o istom.

### **Projekat 1.3. Unapređenje politika iz oblasti koncesija i promocija dobre prakse.**

#### **Aktivnost 1.3.1. Uraditi stručnu analizu EU Direktive 23/2014 o koncesijama**

Komisija je uradila stručnu analizu EU Direktive 23/2014 o koncesijama sa ciljem identifikovanja odredbi Direktive koje su obavezne da se uvrste u Zakon o koncesijama Bosne i Hercegovine, odnosno odredbi koje se mogu prenijeti i onih koje su neprenosive.

Imajući u vidu složenost ovakve analize i preporuku Vijeća ministara o korištenju TAIEX instrumenta pomoći EU, kao i obavezu uvrštavanja EU standarda u zakone u Bosni i Hercegovini koji se tiču javnih nabavki, koncesija i JPP, zaposleni u Komisiji su napravili poređenje i izvršena je identifikacija odredbi iz Direktive koje bi se, u procesu uvrštavanja, morale prenijeti u Zakon o koncesijama, kao i odredbi koje bi se modifikovale na način kako Direktiva to omogućava zemljama koje je preuzimaju rješenja u svoje zakonodavstvo, te je u formi Informacije dostavljena Vijeću ministara BiH na usvajanje još 2018. godine, koju Vijeće ministara nije usvojilo.

#### **Aktivnost 1.3.2. Revidiranje Dokumenta o politici dodjele koncesija u Bosni i Hercegovini**

Komisija je planirala da u 2023. godini izvrši reviziju Dokumenta o politici dodjele koncesija u Bosni i Hercegovini, s obzirom na niz promijenjenih okolnosti od 2006. godine kada je Savjet ministara i Parlament Bosne i Hercegovine usvojio ovaj Dokument. Obzirom na nastalu situaciju u Komisiji tj nedostatku kadrova kako u Stručnoj službi, tako i Članova Komisije, nova revidirana verzija Dokumenta je još uvijek u procesu pripreme i analiziranja novih strateških opredjeljenja proizašlih iz okvirnih strategija za BiH, prvenstveno za oblasti transporta i enregetike.

Tako „Okvirna energetska strategija Bosne i Hercegovine do 2035.godine“ (oktobar 2018. godine) u odjeljku koji se odnosi na direktna strana ulaganja daje pregled smjernica za smanjenje prepreka za ulaganja u energetski sektor, navodeći za sektor koncesija smjernicu „uskладiti i zakone o koncesijama te unaprijediti saradnju između Bosne i Hercegovine i entiteta“<sup>1</sup>.

U dokumentu „Okvirna strategija prometa“ do 2030. godine, predstavljeni su projekti ili potrebe za planiranim investiranjima (intervencijama) u svim područjima transporta, dok se eksplicitno investicije putem koncesija navode samo u akcionom planu za Federaciju Bosne i Hercegovine za dvije cestovne dionice. Na više mjesta u ovoj strategiji je predloženo da postojeći modeli finansiranja projekata predstavljaju ključni problem razvoja sektora transporta u Bosni i Hercegovini.

Komisija će, kad se zato ostvare uslovi, u okviru revidiranog Dokumenta o politici, uraditi detaljnu analizu strateških dokumenata i međunarodnih sporazuma na osnovu kojih će napraviti pregled projekata za moguća koncesiona ulaganja po sektorskim područjima (npr. obnovljivi izvori energije u energetici ili drumski saobraćaj u sektoru transporta), te ukazati na ključne tačke poslovanja javnog sektora koje se, sa aspekta privlačenja privatnog kapitala, trebaju razvijati ili mijenjati, kako bi javni sektor postao i kreator i partner u implementaciji koncesionih (i JPP) ugovora.

Zbog nedostatka kadrova u Stručnoj službi i nepopunjenosti Članova Komisije, kao i COVID-19, sve aktivnosti i obuke su odgođene do daljnjeg, što je znatno umanjio i ograničio bilo kakvu „face to face“ saradnju oko ubrzanja obuka državnih službenika iz područja Koncesija i JPP, održavanja radnih sastanaka i saradnje sa drugim institucijama.

---

<sup>1</sup> Okvirna energetska strategija za BiH do 2035 godine, strana 17.

II – IZVJEŠTAJ O PROVOĐENJU AKCIJSKOG PLANA GODIŠNJEG PROGRAMA RADA KOMISIJE ZA KONCESIJE BiH za 2022. god.														
Opći cilj / načela razvitka: Integrirani rast														
Strateški cilj: 1. Makroekonomska stabilnost														
Srednjoročni cilj: 1.1 Stabilan i transparentan sistem financiranja BiH, upravljanje i kontrola javnim financijama i ispunjenje međunarodnih finansijskih obaveza														
Specifični cilj: Obezbjediti kvalitetno i pravovremeno odvijanje regulatorne i nadzorne funkcije Komisije za koncesije														
Program, projekti i aktivnosti	Nositelj provedbe programa i projekta	Pokazatelji						Troškovi	Realizirani troškovi sa izvorima financiranja					Konačni rok za izvršnje projekta (godina)
		Pokazatelj rezultata po projektu	Jedinica mjerenja (% , broj ili opisno)	Polazna vrijednost (2021)	Ciljana vrijednost (2022)	Ostvarena vrijednost (2022)	Komentar (Ukoliko ostvarena vrijednost nije jednaka planiranoj vrijednosti)	Planirani troškovi	Proračun	Kredit	Donacije	Ostali izvori	Ukupno	
1	2	3	4	5	6		7	8	9	10	11	12	13	
<b>Program 1 Provođenje regulatorne i nadzorne funkcije Komisije</b>														
<b>Projekat 1.1. Davanje regulatornih saglasnosti u postupku dodjele koncesija.</b>	Komisija za koncesije BiH	Saglasnosti date na svaku zakonom predviđenu aktivnost	%	100	100	100	Nije bilo aktivnosti od strane resornih ministarstava niti samoinicijativnih ponuda za koncesije koje bi rezultirale davanjem neke od zakonom predviđenih aktivnosti	456.400	297.482	0	0	0	297.482	kontinuirano
<b>Projekat 1.2. Provođenje aktivnosti za procesuiranje samoinicijativnih ponuda i spornih predmeta kod dodjele</b>														



<b><u>koncesija</u></b> <b><u>Aktivnosti :</u></b> <b>1.2.1 Razvijanje i unapređenje procedura koje se odnose na efikasnije Procesuiranje samoinicijativnih ponuda sa tri resorna ministarstva</b>	Komisija za koncesije BiH	Prijedlozi završeni i upućeni u tri resorna ministarstvo	broj	1	3	2	Aktivnost se umjesto sa tri ministarstva provodi sa dva ministarstva,	282.398	184.067	0	0	0	184.067	.
<b>1.2.2. Rješavanja u slučaju spornih predmeta</b>	Komisija za koncesije BiH	Provedene i sve Zakonom predviđene radnje u slučaju spornih koncesija	%	100	100	100	Komisiji je dostavljen jedan predmet za rješavanje spornih pitanja oko izgradnje HE na rijeci Drini, po nalogu Ustavnog Suda BiH	231.052	150.600	0	0	0	150.600	kontinuirano
<b><u>Projekat</u></b> <b><u>1.3.Unapređenje politike iz oblasti koncesija i promocija dobre prakse.</u></b>	Komisija za koncesije BiH	U toku												
<b><u>Aktivnosti:</u></b> <b>1.3.1.Uraditi stručnu analizuEU Direktive 23/2014 o koncesijama</b>	Komisija za koncesije BiH	Stručna analiza-izvještaj	broj	0	1	0		68.460	44.622	0	0	0	44.622	
<b>1.3.2. Revidirati Dokument o politici dodjele koncesija u BiH</b>	Komisija za koncesije BiH	Revidiran Dokument i poslan na usvajanje	broj	0	1	0		102.690	66.933	0	0	0	66.933	

**III ZBIRNI PREGLED ZAKONA PLANIRANIH GODIŠNJIM PROGRAMOM RADA KOMISIJE ZA KONCESIJE BIH**

Opći cilj/principi razvoja:

Strateški cilj:

Srednjoročni cilj:

Naziv zakona	Razlozi donošenja zakona*	Usklađivanje sa pravnim nasljedem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provođenje
1	2	3	4	5	6

*Nije bilo planirano donošenje zakonskih akata u 2022. godini***IV ZBIRNI PREGLED PODZAKONSKIH AKATA PLANIRANIH GODIŠNJIM PROGRAMOM RADA KOMISIJE ZA KONCESIJE BIH**

Opći cilj/principi razvoja:

Strateški cilj:

Srednjoročni cilj:

Naziv podzakonskog akta	Razlozi donošenja podzakonskog akta*	Usklađivanje sa pravnim nasljedem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provođenje
1	2	3	4	5	6

*U 2022. godini donešen novi Pravilnik o unutrašnjoj organizaciji radi „ zastare prijašnjeg i isti je, sa svim mišljenjima, prosljeden Vijeću Ministara*

## V ZBIRNI PREGLED MEĐUNARODNIH UGOVORA PLANIRANIH GODIŠNJIM PROGRAMOM RADA KOMISIJE ZA KONCESIJE BIH

Opći cilj/principi razvoja:

Strateški cilj:

Naziv međunarodnog ugovora	Razlozi za zaključivanje međunarodnog ugovora	Planirani kvartal za provođenje
1	2	3
<i>Nije bilo planirano zaključivanje ni međunarodnih ugovora u 2022. godini</i>		

## VI – ZBIRNI PREGLED JAVNIH INVESTICIJAMA PLANIRANIM GODIŠNJIM PROGRAMOM RADA KOMISIJE ZA KONCESIJE BIH

Opći cilj / princip razvoja: Integrirani rast

Strateški cilj: 1. Makroekonomska stabilnost

Srednjoročni cilj: 1.1 Stabilan i transparentan sistem financiranja BiH, upravljanje i kontrola javnim financijama i ispunjenje međunarodnih finansijskih obaveza

Specifičan cilj: Obezbjediti kvalitetno i pravovremeno odvijanje regulatorne i nadzorne funkcije Komisije za koncesije

Naziv projekta javnih investicija	Vrijeme realizacije		Status (završeno, u postupku, odloženo, prekinuto)	Komentar
	Očekivano razdoblje provedbe	Završen (DA/NE)		
1	2	3	4	5
<i>Program 1: „Provođenje regulatorne i nadzorne funkcije Komisije“.</i>				
<i>Projekat 1.3. Unapređenje politika iz oblasti koncesija i promocija dobre prakse.</i>				
Obuka državnih službenika iz oblasti koncesija i javno-privatnog partnerstva  IBiH-PZK-1	2023	NE	Kandidovan	Ovaj kandidovani projekat odnosi se na obuku državnih službenika o koncesijama i JPP na osnovu analize o znanju o koncesijama i jpp i potrebama za obukom kod državnih službenika u BiH u resorima gdje se mogu dodjeljivati koncesije. Projekat ima status kandidovanog projekta zbog mogućnosti dobijanja donatorskih sredstava.

**VII IZVJEŠTAJ O PROVEDENIM KONSULTACIJAMA**  
**OPIS TIJEKA KONSULTACIJA**

Predsjedavajući Komisije  
dr Milomir Amović

---

Na osnovu člana 11. stava (1) tačka 4. Odluke o godišnjem planiranju rada i načina praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) Komisija za koncesije Bosne i Hercegovine d o s t a v l j a

## **I Z J A V U**

### **o provedenim javnim konsultacijama za prijedlog Izvještaja o radu Komisije za koncesije BiH za 2022. godinu**

1. Ispunjene su minimalne obveze u pogledu obavljanja konsultacija;
2. Prijedlog Izvještaja o radu Komisije za koncesije Bosne i Hercegovine za 2022. godinu nema značajnijeg utjecaja na javnost (primjenjujući kriterije navedene u člancima od 9. do 13. Pravila za konsultacije u izradi pravnih propisa);
3. Komisija za koncesije Bosne i Hercegovine je na osnovu člana 11. stav (1) tačka 4. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) obavila javne konsultacije u postupku pripreme Izvještaja o radu za 2021. godinu. Javne konsultacije su obavljene u periodu od \_\_\_\_\_. godine do \_\_\_\_\_. godine, putem web sajta Komisije.
4. Izvještaj o održanim Javnim konsultacijama održanim na web stranici eKonsultacije u postupku pripreme Izvještaja o radu Komisije za koncesije Bosne i Hercegovine dostavlja se u prilogu, u skladu sa članom 21. i 22. Pravila za konsultacije u izradi pravnih propisa Bosne i Hercegovine („Službeni glasnik BiH“, broj 5/17)

**Predsjedavajući Komisije**  
dr Milomir Amović

---